

০.৯
ভেক মুষিকের যুদ্ধ।



এডুকেশন গেজেট হইতে সমুদ্বৃত

কলিকাতা:

সত্যার্ণব যন্ত্রে মুদ্রাঙ্কিত হইল।


১৮৫৮।

ভূমিকা।

এই উপকাব্য, পূর্বে এডুকেশন গেজেটে ক্রমশঃ প্রকটিত হইয়াছিল। রচনা দৃষ্টে অনেকে কৌতুকাভূতব করিয়া গ্রন্থাকারে তদর্শনের ইচ্ছা বিজ্ঞাপন করিতে তাঁহাদিগের অভিমত পালন করা যাইতেছে। ইউরোপীয় কবিকুলের পিতৃস্বরূপাদি মহাকবি হোমর মহাদেয়ের নামে এই উপকাব্যের জনন প্রবাদ আছে, কিন্তু জেলিয়ড ও অডেসি খ্যাত অনুপম মহাকাব্যের জনয়িতা যে একরূপ ক্ষুদ্র কাব্যের প্রণেতা হইবেন, তদ্বিষয়ে সংশয় উপস্থিত হইতে পারে, তবে এই এক প্রবোধের পথ আছে, যে, যে মহাসমুদ্র প্রবাল মৌজিকা-দি, রত্ননিচয়ের ও তিমি তিমিলাদির আধান হইয়াছেন, সেই রত্নাকর শুভ্র শস্যকাদি সামান্যতম জলজন্তু নিকরের ও আকর স্বরূপ! ফলত ভাবুকদিগের নিকট সাগরজ শুভ্র শস্যকাদির চাকচিক্য এবং বিচিত্র রাগরঙ্গাদি সামান্যতর নয়ন মনোহরঞ্জনকারি নহে। ভেক মুষিকের মূলকাব্য যাঁহারা পাঠ করিয়াছেন তাঁহারা অবশ্যই তাহার মাধুর্য্য রসে অপূর্ণ সুখানুভব করিয়া থাকিবেন। উপস্থিত মর্মানুবাদ তাঁহাদিগের প্রীতিবর্জনার্থ প্রস্তুত নহে, ফলতঃ ইউরোপীয় মহাকবিদিগের কবিত্ব ছটার প্রতিবিশ্ব, এতদেশীয় সাধারণ জনগণের মানসে প্রতিবিস্তিত করাই আমাদের মুখ্য অভিপ্রত। অনেকে কহেন, ইউরোপীয় কবিত্ব এতদেশীয় ভাষাসমূহে সংগ্রহ করা অসম্ভব কার্য্য, কিন্তু আমরা একথা সর্বতোভাবে স্বীকার করি না। মহুষ্যের মানসিক ভাবনিচয় সর্বদেশে একই প্রকার,

তবে দেশ কালপাত্র ভেদে তাহার কথঞ্চিৎ বিপর্যায় হইবার সম্ভাবনা। ললিত নয়নের তুলনায় কোন দেশে ইন্দীবরের কোন দেশে বা নর্গেসের, কোন দেশে বা নীলবর্ণ ক্ষীণরক্ত ফুল কুম্মান্তরের সাদৃশ্য উল্লেখ হয়, প্রত্যুত, লালিত্যানিলয় নীললোচন দৃষ্টে সকল দেশীয় কবির মনে একই প্রকার ভাবোদয় হয় সন্দেহ নাই, তবে উপমিতি প্রভৃতি অলঙ্কার প্রয়োজক পদার্থ সর্বদেশে একই প্রকার জন্মে না, এই নিমিত্ত কিঞ্চিন্নাত্র বিভেদ সম্ভূত হয়, কিন্তু যে পদার্থ সর্ব দেশেই বর্তমান আছে, তাহা কোন সাদৃশ্য জ্ঞাপক হইলে সর্ব দেশীয় কবিরাই তাহার ব্যবহার করিয়া থাকেন, যথা “মৃগলোচন” এই দৃষ্টান্ত কি ভারতবর্ষীয়, কি পারস্য, কি ইউরোপীয়, ভিন্ন ভিন্ন সকল দেশের কবিরাই স্বীকার করিয়াছেন। অতএব এক দেশের কবির ভাব যে অপার দেশের ভাষায় আকর্ষিত হইবার যোগ্য নহে একথা আমাদের কখনো সম্মত নহি। এতদেশীয় লোকেরা অধুনা ইউরোপীয় ফল, মূল, শাক, শস্যাদি স্বদেশীয় রুচি অনুসারে স্বদেশীয় নিয়মে পাক করিয়া গ্রহণ করিতেছেন, তাহাতে শরীরের মাত্র পোষণ হয়, কিন্তু ইউরোপীয় অশনে মানসের পোষণ আবশ্যক, এতাবত, আমরাদিগের জিজ্ঞাস্য এই, ইউরোপীয় উপাদেয় মানসিক ভোজ্য, কবিতা প্রভৃতি কি এতদেশীয় জনগণের রুচি অনুসারে এতদেশীয় নিয়মে প্রস্তুত করা যাইতে পারে না?

ভেক মুষিকের যুদ্ধ।



ভেকদিগের নাম।

ফুল-গু।

পঙ্কিমু।

জলেশী।

নিমাদক।

পঙ্কজ।

কলসীক।

মডবড়িয়া।

মুগালাশী।

সরঃপ্রিয়া।

শিবালক।

বারি-বিলাস।

পঙ্ক-শায়ী।

লসুনাশী।

কর্দমজ।

নল-গামী।

প্লত-গতি।

মেঘ-বল্লভ।

কটকটিয়া।

মুষিকদিগের নাম।

শস্যহারী।

পিষ্টকাশী।

মধু-লেখিনী।

রক্তা-ভোগী।

ভোগ-বিলাস।

ভাণ্ড-বিহারী।

লেখন-সার।

গর্ভ-পতি।

ক্ষুর-দন্ত।

মোদক-চোর।

তড়িকাতি।

মঞ্চ-নিবাস।

মহানস-প্রিয়।

শূচী-মুখ।

প্রথম স্বর্গ।

উর গো কবিতা-শক্তি তেজি দিব্যপুরী।

পুর গো আমার কাব্যে মোহন মাধুরী ॥

বিবরিব বিগ্রহ বিষম বীর রসে।

ভুবন ভরিবে যত যোদ্ধগণ যশে ॥

ক

কিৰূপে মুষিকগণ মাতি রণ-রঙ্গে ।
 করিল ভয়াল যুদ্ধ ভেক-জাতি সঙ্গে ॥
 সে যুদ্ধ সামান্য নয় তুলনা কি তার ।
 দেবতা দানবে যুদ্ধ উপমায় ছার ॥
 যাবৎ গগনে রবি হইবে উদ্দিত ।
 তাবৎ সে কীর্তি রবে জগতে বিদিত ॥
 একদা পড়িয়া ক্রুর বিড়ালের গ্রাসে ।
 পলায় মুষিক এক অনেক আয়াসে ॥
 উল্লুখাসে ধায় ত্রাসে গতি খরতর ।
 শ্বেদজল বহে দেহে তৃষায় কাতর ॥
 এক সরসীর তীরে করিয়া প্রয়াণ ।
 গৌপ ডুবাইয়া মুষা করে জল-পান ॥
 মুষিকে সম্বোধি এক ভদ্র ভেক তথা ।
 শির তুলি ঘোর স্বরে কহিতেছে কথা ॥
 “কে হে তুমি ভিন্ন-দেশী জন্ম কোন্ কুলে ?
 ক্লান্ত হয়ে পড়ে কেন সরোবর কুলে ?
 যথা সত্য কথা কহ হইয়া নির্ভয় ।
 হে মুষিক নাহি দিও মিথ্যা পরিচয় ॥
 মিত্রতার যোগ্য হও, কর তাহা ভাই ।
 সুখ-সরোবর মধ্যে এসো লয়ে যাই ॥

প্রবেশি আমার পুরী আতিথ্য লইয়া ।
 বিদায় হইবে পরে সানন্দ হইয়া ॥
 রজত সন্নিভ এই হৃদের উপর ।
 আমার প্রভুত্ব, আমি ভেকের ঈশ্বর ॥
 পঙ্কিলের বংশধর ফুল-গণ্ড নাম ।
 জলেশী জননী, ষাঁর যমুনায় ধাম ॥
 তথা মম পিতা সহ পরিণয় পরে ।
 আবির্ভূত হই আমি তাঁহার উদরে ॥
 তোমার লক্ষণ সব দেখি বোধ হয় ।
 তুমি বীর হবে কোন রাজার তনয় ॥
 পরিচয় দিয়ে কর সংশয় বিচ্ছেদ ।”
 শুন্নিয়া মুষিক তারে কহিতেছে ভেদ ॥
 “স্বর নর কি বিহঙ্গ উড়ে যত দূর ।
 তত দূর মম নাম আছে ভর-পুর ॥
 শুনহ, যদিপি নহে তব জাত-সার ।
 মহামহিম শ্রী, শস্যহারী নামামার ॥
 পিষ্টকাশী পিতা মম বীর শ্রেষ্ঠ তিনি ।
 তাঁহার গেহিনী সতী শ্রীমধুলেহিনী ॥
 গর্ভপতি মহামতি জনক তাঁহার ।
 মহারাজ সূতা মাতা মহা অধিকার ॥

মনোহর মঞ্চোপরে জনম আমার ।
 পুষিলেন দিয়ে নানা স্নমিষ্ট আহার ॥
 কহ কিসে বন্ধুতা হইবে তব সহ ।
 উভয়ের স্বভাবেতে একতা বিরহ ॥
 তব পুরী পরে খেলে তরল তরঙ্গ ।
 মনুষ্যের দিব্য খাদ্যে পুষ্ট মম অঙ্গ ॥
 কত যত্নে রুচী পিচা প্রস্তুত করিয়া ।
 লুকাইয়া রাখে নর হাঁড়িতে ভরিয়া ॥
 সুধার মাংশের বড়া, কোফতা কুয়কেট ।
 ইলিসের ডিম ভাজা, রোহিতের পেট ॥
 সন্দেশ মিঠাই নানা মোরঝা আচার ।
 ক্ষীর ছানা পনীর প্রভৃতি উপহার ॥ •
 দেবের ছুর্লভ ভোগ কত শত আর ।
 কত কষ্টে গুপ্ত করে ভয়েতে আমার ॥
 সুধায় আয়াস, আর সুধায় প্রয়াস ।
 তখনি আশ্বাদ লই, হল্যে অভিলাষ ॥
 যেরূপ চতুর ইথে সেরূপ সংগ্রামে ।
 কত শত বীর কাঁপে শস্যহারী নামে ॥
 রণে ভঙ্গ দিয়ে কভু যাই নাই ভেগে ।
 এক মনে এক ধ্যানে রণে যাই লেগে ॥

আমায় অপেক্ষা অতি দীর্ঘদেহী নর ।
 কিন্তু আমি কখন করিনে তারে ডর ॥
 শয্যাপরে সুখভরে নিদ্রা যায় যবে ।
 চুপিসাড়ে গুড়ি গুড়ি যাই আমি তবে ॥
 কর পল্লবেতে কিয়া পদাঙ্গুলি ধরি ।
 বসাইয়া দিয়ে দন্ত লছজারী করি ॥
 এমনি চালাকি তায় আমার জাহের ।
 ঘুমাইয়া থাকে নর পায় নাকো টের ॥
 তথাপিও আমাদের শত্রু বহুতর ।
 তাহাদের অত্যাচারে সর্বদা কাতর ॥
 বিড়াল পেচক এরা কালান্তের কাল ।
 ধাশায় দাবায় সব উন্মূরের পাল ॥
 বিকল করেছে তাহে ফাঁদ আর কল ।
 দিন দিন জ্ঞাতি গোত্র মারে দল দল ॥
 শব্দ নাই প্রাণ নাই স্তব্ধ ভাবে চলে ।
 লুকাইয়া থাকে যম খাদ্য রাখি কলে ॥
 সবে বটে আমাদের ভয়ানক অরি ।
 সব চেয়ে বিড়াল শত্রুরে ভয় করি ॥
 অন্ধকারে পলাইলে রক্ষা তবু নাই ।
 ঘোরতর আঁধারে ধরিয়া মারে ভাই ॥

ভেক মুষিকের যুদ্ধ।

সে যা হোক, জলজাত গাছড়া ভক্ষণে ।
জীবন ধারণ বল করিব কেমনে ॥
নয়ন না তৃপ্ত হবে দেখি লাল মূলা ।
আর আর অনর্থক খাদ্য কত গুলা ॥
এ সকল ভেকদের খাদ্য প্রিয়তর ।
অতিশয় ঘৃণা করে মুষিক নিকর ॥”

এরূপে মুষিক যদি কহিল বচন ।
উত্তরে কহিছে তবে মণ্ডুক রাজন ॥
“ভাল হে বিদেশী, কর আহারের জাঁক ।
আমাদের বিধি শুদ্ধ দেন নাই ডাক ॥
স্থলে জলে কেলি করি নাচিয়া বেড়াই ।
তুই ভূতে বাস, নানা খাদ্য তাহে পাই ॥
কিন্তু যদি আশ্চর্য্য দেখিতে ইচ্ছা হয় ।
এসো লয়ে যাই হৃদে, কিছু নাই ভয় ॥
উঠিয়া আমার কাঁধে বসো স্থিরভাবে ।
চলহ আমার পুরী, নানা ভোজ্য পাবে ॥”

এত বলি পিঠপাতি দিল ভেক পাড়ে ।
লাক দিয়ে উন্মূর উঠিল তার ঘাড়ে ॥
তুই বাছ পসারিয়া জড়াইয়া ধরে ।
চলিল মুষিকরাজ স্মৃথ সরোবরে ॥

ভেক মুষিকের যুদ্ধ।

বিচিত্র রসেতে পূর্ণ উল্লাসিত মনে ।
কত বাঁক ছাড়াইয়া চলিল সঘনে ॥
সমুদ্রের কূলে যেন বন্দর সকল ।
দেখি মুষিকের হয় নয়ন সফল ॥
তরল তরঙ্গোপরে যখন চলিল ।
উঠিল শরীরে তার সে নীল সলিল ॥
তখন হৃদয়ে তার উপজিল ভয় ।
যুগল নয়ন পথে অশ্রুধার বয় ॥
ছিঁড়ে ফেলে চিকুর, চঞ্চল পদদ্বয় ।
তুরুরুর করে বুক, জীবন সংশয় ॥
প্রকট সংকট ভাবি দীর্ঘশ্বাস ছাড়ে ।
বিকলে বাসনা আর ফিরে বেতে পাড়ে ॥
লাঙ্গুলে করিয়া হাল বৃথা ঝঁকে মারে ।
গগন ভরিল তার ব্যর্থ হাহাকারে ॥
শ্মতপ্রায় হয়ে বীর জলের উপরে ।
এইরূপে কাঁদিতে লাগিল আর্তস্বরে ॥
“হায় কেন মাটিখেয়ে আইলাম জলে ।
অসাধ্য সাধিতে গেলে এই দশা ফলে ॥
কোন পুরুষেতে মম, স্থলছাড়া নয় ।
হায় বিধি কি কুবুদ্ধি হইল উদয় !

শুনিয়াছি এইরূপে ভুলায়ে সীতারে ।
 লয়ে গেল দশানন জলধির পারে ॥
 যেই দশা জানকীর জলধি উপর ।
 আমার সেকপ, ভয়ে কাঁপি ধর ধর ॥
 যা হবার হবে তাই, তাহে খেদ নাই ।
 কোন মতে ভেকপুরে গেলে রক্ষা পাই ॥”
 এইরূপে মুষা যবে করিছে রোদন ।
 কাল আসি অন্য মূর্তি করিল ধারণ ॥
 পানী গোখুরার কুলে জাত এক বীর ।
 অকস্মাৎ জল হতে হইল বাহির ॥
 লোহিত নয়ন ছুটা যুরায় সঘনে ।
 ফুলিল বুকের পাটা খাদ্য দরশনে ॥
 তীর বেগে ধায় রেগে প্রবাহ উপর ।
 ভয়ে ভীত ভ্রান্তচিত ভেক ভূমীশ্বর ॥
 উন্ডুরে ফেলায়ে দূরে ডুবমারে জলে ।
 সাপ দেখে, বাপ ডেকে, তনু ঢেকে চলে ॥
 বিশ্বাসঘাতক ভেক যারে কাঁধে করি ।
 বন্ধু বলি যেতে ছিল আপন নগরী ॥
 সে যত সঁতারু তাহা জানে সর্বলোকে ।
 নাকানী চোবানী খায়, পেটে জল ঢোকে ॥

চরণে রাখিয়া ভার বৃথা চাঁহে প্রাণ ।
 ডুবে আর উঠে বীর, শ্বাস-গত প্রাণ ॥
 আঁকু বাঁকু করে আঁখু ডুবে আর উঠে ।
 অসাড় হইল, অঙ্গ মুখে রক্ত ছুটে ॥
 নিরাশয় নীরাশয়ে হইয়া কাঁকর ।
 মৃত্যুকালে কহে মুষা, ক্রোধে গর গর ॥
 “ অরে রে বিশ্বাসঘাতী রাজা ছুরাচার ।
 করিলি আমার প্রতি এই কুব্যাভার ॥
 ইহার উচিত কল পাবি অচিরাৎ ।
 ফেলে পলাইলি ছুষ্ঠ করে জলসাৎ ॥
 স্থলোপরি শক্তি তোর নাহি মম সম ।
 জলে জারি জুরি, তোর চাতুরী বিষম ॥
 ভো! দেবতাগণ! সাক্ষী তোমরা সকল ।
 কোথারে উন্ডুরসেনা দিস্ প্রতিফল ॥”
 এই কথা বলে বীর ছাড়ে দীর্ঘশ্বাস ।
 সেই সঙ্গে প্রাণ তার ত্যজে দেহ বাস ॥
 হেন কালে ফুলময় সেই হৃদ তীরে ।
 ভ্রমণ কারণ মৃচ্ছ সায়াকু সমীরে ॥
 আইল লেহন-সার বয়সে কিশোর ।
 দেখে যুবরাজ মরে করি ঘোর শোর ॥

দূর দূরান্তরে ছুটে তাহার চীৎকার।
 উন্মূহুরের পুরে উঠে মহা হাহাকার ॥
 গভীর শোকের নীরে ভাসিল সকলে।
 বিবর ভরিল সব নয়নের জলে ॥
 শস্যহারী প্রিয়তমা শোকে অচেতন।
 আলু খালু কেশ বেশ, ধরায় শয়ন ॥
 পুরনারী শস্যহারি গুণ ব্যাখ্যা করি।
 বিনাইয়া কাঁদে সবে দিবস শরীরী ॥
 একে শোকস্বরে পূর্ণ মুষিক মণ্ডল।
 তাহে ক্রোধে ভর্জে গর্জে সেনানী সকল ॥
 ঘরে ঘরে খেয়ে যেয়ে রাজ দূতগণ।
 প্রভাতে যাইতে বলে রাজার সদন ॥

দ্বিতীয় স্বর্গ।

পূর্বদিগে পদ্মপাণি প্রকাশিলে উষা!
 মুষারাজ সভায় আইল যত মুষা ॥
 উঠিলেন পিষ্ঠকাশী শোকাচ্ছন্ন মনে।
 সম্বোধিয়া কহিছেন সভাগত গণে ॥
 “ হারাধন শস্যহারী শোকে প্রাণ দহে।
 সকলের শোক ইথে, শুদ্ধ মম নহে ॥

বীরবর তিন পুত্র জন্মেছিল মম।
 একে একে মম অগ্রে গ্রাসিলেক যম ॥
 জ্যেষ্ঠ পুত্র পুরীর অন্তরে বসে ছিল।
 ভয়াল বিড়াল বেটা তাহারে খাইল ॥
 মধ্যম কুমারে নাশে সর্বনেশে কল।
 হা করিয়া ছিল ছুট, মুখে রেখে ফল ॥
 লাক দিয়ে প্রবেশিবে ভিতরে যেমন।
 চাপাকলে বাপা মোর হইল নিধন ॥
 হা হা পুত্র প্রিয়তম সর্বগুণধর।
 কি ক্ষণে কলের সৃষ্টি করোছিল নর ॥
 অবশেষে ছিল মাত্র কনিষ্ঠ নন্দন।
 অশমার অন্ধের নড়ী, দরিদ্রের ধন ॥
 তোমাদের আশা ভরসার সেই স্থল।
 পালিত পরম যত্নে মুষিক মণ্ডল ॥
 ফুল-গাঁও ভেক তারে ডুবাইল জলে।
 মরিল আমার যাছু, সে বেটার ছলে ॥
 সাজ, সাজ, সাজ সবে, দেহ প্রতিফল।
 মারহ মণ্ডুক রাজে, মার ভেক দল ॥
 রাজবাক্য শুনি সবে গর্জিল বিক্রমে।
 ধরিল সমর সজ্জা যথা রীতি ক্রমে ॥

বেদানা সীমের খোসা হইল বিনামা ।
 মরা বিহঙ্গের পক্ষে বিরচিল জামা ॥
 পতিঙ্গের চাক্তি ঢালে সুশোভিত পিট ।
 বাদামের খোলা হলো মাখার কিরীট ॥
 ছুঁচের বল্লম হাতে করে ঝক্‌মক্ ।
 সাজিল মুষিক সেনা, দৃশ্য ভয়ানক ॥
 মহা গণ্ডগোল উঠে ভেক সন্নিধানে ।
 নিকটে কিসের গোল কেহ নাহি জানে ॥
 জল ছেড়ে দল বেঁধে উঠে গিয়া পাড়ে ।
 জিজ্ঞাসিল কোন্ শত্রু সিংহনাদ ছাড়ে ॥
 এমন সময় তথা এলো এক বীর ।
 ত্রীভাণ্ড-বিহারী নাম মুষিক সুধীর ॥
 পিষ্টকান্ধী রাজদূত, সেই মহোদয় ।
 বিপক্ষেরে ডাকি বীর রাজ-আজ্ঞা কয় ॥
 “ অরে রে ভেকের দল শুনরে সকলে ।
 আনিছে মুষিক সেনা সংগ্রামের স্থলে ॥
 মাতিয়াছে রণ মদে দিবে প্রতিফল ।
 প্রতি অঙ্গে নানা অস্ত্র করে ঝলমল ॥
 তোদের নির্দয় রাজা ফুল্ল-গণ্ড যেই ।
 আমাদের যুবরাজে মারিয়াছে সেই ॥

ভাগ্যহীন রাজপুত্র, পতিত চাতরে ।
 এখনো তাঁহার অঙ্গ ভাসে সরোবরে ॥”
 এই কথা বলি বীর করিল প্রশ্নান ।
 শুনিয়া ভেকের দল ক্রোধে কম্পবান ॥
 গর্বে ফুলে, কিন্তু সবে চিন্তিত অন্তর ॥
 রাজার অধিক নিন্দা করে পরস্পর ॥
 দেখিয়া এতাব তবে ফুল্ল-গণ্ড রায় ।
 স্বীয় দোষোদ্ধারে কহে মগ্নুক সভায় ॥
 “ শুন শুন মিত্রগণ আমার বচন ।
 আমি কেন সে মুষিকে করিব নিধন ?
 কখন মরিল মুষা, নহি অবগত ।
 অপনয়র দোষে সেই হইল নিহত ॥
 রূথা অভিমানী ছিল মুষিক কুমার ।
 আপুনি আইল জলে পাড়িতে সাঁতার ॥
 আমাদের বিদ্যা তাহা জানিবে কেমনে ?
 মরিল নির্বোধ শিশু সেই কারণে ॥
 অকারণে রাগ করে উন্মূরের দল ।
 অনর্থ আমারে চাহে দিতে প্রতিফল ॥
 যেমন চতুর শত্রু আসিয়াছে রেগে ।
 তেমনি দেখাও শক্তি, যাবে তারা ভেগে ॥

আমি তার পস্থা বলি শুন সর্বজন।
 নিশ্চয় হইবে জয়, লয় মম মন ॥
 যথা উচ্চতর অতি সরোবর তীর।
 স্থিরভাবে নীচে তার স্নগ্ভীর নীর ॥
 ধারে ধারে থাক সবে হয়ে সাবধান।
 আসুক শত্রুর সেনা বরষিয়া বাণ ॥
 অনন্তর সন্নিকট যখন হইবে।
 নিজ নিজ সম-যোদ্ধা বাছিয়া লইবে ॥
 প্রতি জন এক এক ধরিয়া উন্দুরে।
 সরোবর লক্ষ্য করি ফেলে দিবে দুরে ॥
 এমনি ধরিয়ে জোরে ফেলাইবে জলে।
 ঘুরিতে ঘুরিতে যেন মরে হৃদতটল ॥
 ঝপাৎ ঝপাৎ শব্দ হইবেক তায়।
 শত পাকে ঘুরিবেক সরোবর কায় ॥
 জয় লাভে যুদ্ধক্ষেত্রে ধাইবে সকলে।
 নিশান উড়ায়ে দিবে সংগ্রামের স্থলে ॥
 এত বলি ফুল্ল-গণ্ড বসে সিংহাসনে।
 কথা শুনি দ্বিগুণ মাতিল ভেকগণে ॥
 সবুজ পোষাক পরে যতেক পুবঙ্গ।
 শৈবাল সাজোয়া দিবে ঢাকিলেক অঙ্গ ॥

পাতাড়ীর পাতা চালে শোভে পৃষ্ঠদেশ।
 কোথা কে দেখেছে হেন সংগ্রামের বেশ ?
 শুক্তি শম্বকের নানা চৌপার স্তন্দর।
 ঝকমক্ ভানুকরে করে নিরন্তর ॥
 ভয়ানক শূল অস্ত্র নল খাগড়ার।
 ছাইল গগন ঘন কানন আকার ॥
 এইরূপে সাজিয়া উঠিল ভেকগণ।
 অস্ত্র দেখাইয়ে চাহে মুষা স্থানে রণ ॥

তৃতীয় স্বর্গ।

মালঝাঁপ।

ছুই দল, মহাবল, ধরাতল, কাঁপে।
 খর খর, খরতর, যুড়ি শর, চাপে ॥
 ঝল ঝল, কি উজ্জ্বল, স্তবিমল, অস্ত্র।
 সেনাগণ, স্তশোভন, সন্নহন, বস্ত্র ॥
 প্লবঙ্গক, ভয়ানক, মক মক, শব্দ।
 মুষাগণ, বিঘোষণ, ত্রিভুবন, স্তব্দ ॥
 তড়াগের, ধারে চের, মণ্ডকের, তাম্বু।
 শেহালার, ডেরা তার, খাগড়ার, বাম্বু ॥

আগে তার, আশুসার, সার সার, বোকা ।
 উদ্ধশির, রণবীর, অতি ধীর, বোকা ॥
 রহিলেক, যত ভেক, হয়ে এক, পংক্তি ।
 ছুঙ্কার, চীৎকার, যত যার, শক্তি ।
 ছেয়ে মাঠ, মুষা ঠাট, কাট কাট, শোরে ।
 মহা জাঁক, ডাক হাঁক, রহে থাক, ধোরে ॥
 রণশৃঙ্গ, হল্যা ভৃঙ্গ, নহে রিঙ্গ, কাষে ।
 কি আহব, মহোৎসব, ভৌ ভৌ রব, বাজে ॥
 গুনি রব, স্তুভৈরব, মাতে সব, শুদ্ধ ।
 দ্রুত বেগে, যায় রেগে, গেল লেগে, যুদ্ধ ॥

পর্যায় ।

নির্নাদক নামে ভেক দৃশ্য ভয়ঙ্কর ।
 লাক দিয়া আগে ভাগে পড়ে বীরবর ॥
 ছাড়িল বিষম শূল দ্বিতীয় অশনি ।
 পড়িল লেহন-সার বীর চূড়ামণি ॥
 বয়সে কিশোর অতি ছিল মুষা-সুত ।
 সংগ্রামে কেশরিপ্রায়, নানা গুণযুত ॥
 যশো লাভ লোভে বীর সকলের আগে ।
 দাঁড়াইয়া ছিল, মাতি নব অনুরাগে ॥

যজ্ঞের সমান শূল ছাড়ে নির্নাদক ।
 চর্ম বর্ম ভেদ করি পশিল কলক ॥
 হাহাকার করি মুষা পড়ে ধরাতল ।
 ধূলায় লুটায় তার সূচারু কুন্তল ॥
 দেখিয়া জ্ঞাতির গতি বীর গর্ভপতি ।
 বিপর্যয় গদা হস্তে নিল মহামতি ॥
 পঙ্কজের শিরোপরি করিল আঘাত ।
 এক ঘায়ে হলো ভেক ধরায় প্রপাত ॥
 কালের কবলে সেই হারাইল জ্ঞান ।
 রুধিরের স্রোতে প্রাণ করিল প্রয়াণ ॥
 শরাসনে কলম্বিক যুড়ি তীক্ষু তীর ।
 ভ্রগু-বিহারির বক্ষ লক্ষ্য করি বীর ॥
 ছাড়িল ছুর্জয় শর যমের সোসর ।
 মরিলেন শ্রীভাগু-বিহারী বীরবর ॥
 দেখি ক্রোধে ক্ষুরদন্ত হইল অস্থির ।
 তিন শরে কেটে ফেলে কলম্বীর শির ॥
 আর বার অস্ত্র যুড়ি গর্জিয়া ছাড়িল ।
 বড়বড়িয়ার মাথা কাটিয়া পাড়িল ॥
 অভিমানী ছিল এই ভেকের নন্দন ।
 আপনার গুণ গানে রত অনুক্ষণ ॥

দিবা নিশি বড় বড় করণ কারণ।
 শ্রীবড় বড়িয়া নাম বিখ্যাত ভুবন ॥
 ক্ষুর দস্ত অস্ত্র তার চুকিল উদরে।
 মরিল ভেকের চূড়া কিছু কাল পরে ॥
 বন্ধুর বিয়োগ দেখি বীর মৃগালাশী।
 ক্রোধ ভরে যুদ্ধ ক্ষেত্রে প্রবেশিল আসি ॥
 হস্তে করি নিল এক প্রকাণ্ড কঙ্কর।
 ভীমের করেতে যেন শোভিল শেখর ॥
 ঘুরাইয়া প্রহারিল গর্ভপতি বুকে।
 অধৈর্য হইল মূষা রক্ত উঠে মুখে ॥
 প্রস্থানেতে গর্ভপতি ছিলেন নিপুণ।
 আসন্ন কালেতে আর কোথা থাকে গুণ ?
 ললাট লিখন বল খণ্ডিতে কে পারে ?
 জীবন ত্যজিল বীর কঙ্কর প্রহারে ॥
 গর্ভপতি-মৃত্যু শোকে হইয়া বিধুর।
 দ্বিতীয় লেহনসার নামে এক শুর ॥
 মৃগালাশী বক্ষে মারে খরতর শর।
 গর্ভপতি পাশ্বে ভেক ত্যজে কলেবর ॥
 পুনরায় মুষাসুত বাণ বৃষ্টি করে।
 ভাগিল ভেকের ভাগ ভয়ার্ত্ত অন্তরে ॥

সরো প্রিয় নামে তথা আইল পবঙ্গ।
 ক্ষণ পরে শরে তার জর জর অঙ্গ ॥
 রণে পটু নহে ভেক ভোজনে চতুর।
 পলাইল হৃদ তটে হয়ে ভয়াতুর ॥
 লাক দিয়া যেমন পড়িল গিয়া পাড়ে।
 অমনি লেহনসার চড়ে তার ঘাড়ে ॥
 পাশ দিয়া প্রহার করিল তার পেটে।
 এক চোটে নাড়ীভুঁড়ী সব গেল কেটে ॥
 রুধির বহিল সেই সরোবর জলে।
 জয় জয় শব্দে মূষা বাছড়িয়া চলে ॥
 ভেকগণ ভঙ্গ দেখি ভৎসিয়া ভীষণ।
 তল্ল-ভাঁজি এলো যুদ্ধে ভেক এক জন ॥
 শৈবালক নাম তার শেহালায় বাস।
 মারিল মোদক-চোরে অস্ত্র চন্দ্রহাস ॥
 ফাফর হইল মূষা মুখে ছুটে ফেণা।
 মেটাই চুরির বুদ্ধি হেথা খাটিবে না ॥
 সে দিন চুরির ধন ছিল মতিচুর।
 ভেক অস্ত্রে পেট কেটে পড়িল প্রচুর ॥
 মোদক-চোরের মৃত্যু করিয়া ঈক্ষণ।
 অগ্রসর হল্যা আসি বীর এক জন ॥

তড়িতের ন্যায় তার গতি খরতর।
 সেহেতু তড়িলাতি খ্যাত শূরবর ॥
 সলিল-বিলাস নামে তরুণ মণ্ডুক।
 মুষার বিক্রম দেখি কাঁপে ধুক ধুক ॥
 পাতাড়ীর ঢালে দেহ করি আচ্ছাদন।
 রণভূমি ত্যজি করে দূরে পলায়ন ॥
 পশ্চাতে তড়িৎ ছুটে তড়িতের প্রায়।
 ছুই ভিতে ভাগে ভেক দেখিয়া তাহায় ॥
 আখুবংশে তড়িতের তুল্য নাহি আর।
 পরিপুষ্ট দেহ তার করি মাংসাহার ॥
 হৃদ তটে সলিল-বিলাস বক্ষোপরে।
 প্রহারিল প্রহরণ ঝন ঝন স্বরে ॥
 জীবন তেজিল ভেক করি ছট্‌ফট্‌।
 রুধিরে ভাসিয়ে গেল সরসীর তট ॥
 সেই কালে পক্ষে শুয়ে ছিল তার ভাই।
 পক্ষশায়ী নাম তার কোলাকূলে টাই ॥
 অন্তরেতে প্রজ্বলিত ভ্রাতৃশোক তাপ।
 পক্ষ থেকে উঠে বীর দিয়ে এক লাফ ॥
 প্রকাণ্ড কোলায় দেখি পলায় তড়িৎ।
 লাফে লাফে পক্ষশায়ী চলিল স্বরিত ॥

ছাড়িল পাষণ খণ্ড, লণ্ড ভণ্ড শির।
 নাসারন্ধ্র পথে হল্যা মস্তিষ্ক বাহির ॥
 জয় জয় শব্দ উঠে ভেকের শিবিরে।
 আনন্দ মঙ্গলধনি করে ফিরে ফিরে ॥

লঘু ত্রিপদী।

শুনি জয়-নাদ, গুণি পরমাদ,
 কহেন মুষিকরাজ।
 এক বেটা পৈকো, করে গেল ভেকো,
 ছি ছি এত বড় লাজ ॥
 শুনিয়ে রাজার, বাক্য এপ্রকার,
 মুষিক ভোগবিলাসী।
 যুড়ি ছুই কর, হয়ে অগ্রসর,
 প্রণমিল হাসি হাসি ॥
 দিয়ে ছহকার, করি মার মার,
 বরিষে নারাচ জাল।
 সমুখে যে ছিল, সকলে বিক্লি,
 মরে ভেক পালে পাল ॥
 লশুনাশী নাম, এক গুণধাম,
 ছিলেন সবার আগে।

গাত্র গঞ্জে তার, কাছে থাকা ভার,
 দেখিয়া পলায় নাগে ॥
 ঘনাইল কাল, নারাচ বিশাল,
 পশিল হৃদয় মাঝে ।
 মরে লশুনাশী, ক্রীভোগ বিলাসী,
 নিবেদিল মুঘারাজে ॥
 কর্দমজ বীর, শোকেতে অস্থির,
 লশুনাশী মৃত্যু হেতু ।
 যোষিল ভীষণ, প্রলয়ে যেমন,
 মহাকাল বৃষকেতু ॥
 লাফে লাফে গিয়া, ধরে আকর্ষিয়া,
 মুষিক মঞ্চ-নিবাসে ।
 ধরিয়া তাহায়, হৃদে লয়ে যায়,
 অচেতন মুষা ত্রাসে ॥
 ঘন ঘন জলে, ডুব মারি চলে,
 নিশ্বাস হইল রোধ ।
 মারিয়া উন্দরে, শোক গেল দূরে,
 দিল ভাল প্রতিশোধ ॥
 হোথায় সংগ্রামে, শস্ত্রহারী নামে,
 আর এক ধনুর্ধর ।

ষাহার কারণ, হয় এই রণ,
 বিক্রমে তাঁরি সোসর ॥
 মলগামী ভেকে, মারিলেক টেকে,
 বিষম বল্লম এক ।
 মরে মলগামী, শুনি ভেকস্বামী,
 রোদন করে অনেক ॥
 দেখি প্লুত-গতি, অতি ক্রুদ্ধমতি,
 ডুব মারি সরোবরে ।
 ছুই হাতে ঠাসি, নীয়ে পঙ্করাশি,
 উঠে গিয়ে তীরোপরে ॥
 মুষা প্রতি টাঁক, করি বর্ষে পাঁক,
 ছাইল বদন তার ।
 পূর্ণ শশধরে, আচ্ছাদন করে,
 যেন জলধর হার ॥
 হলো দৃষ্টিহীন, সমর প্রবীণ,
 মুষিকের চুড়ামণি ।
 প্রকাণ্ড পাষণ, ধরি একথান,
 ঘুরায় ছাড়ে অমনি ॥
 দৃশ্য ভয়ঙ্কর, যেমন শেখর,
 মেদিনী কাঁপিল ভারে ।

অধুনা সে তার, মুখা দশ বার,
 তুলিতেও নাহি পারে ॥
 ষেকপ কলিতে, মানবাবলীতে,
 বলের হয়েছে হ্রাস।
 সেইকপ প্রায়, শক্তি ক্ষয় পায়,
 উন্দর বংশ সকাশ ॥
 সেইত পাতর, পর্ত সোসর,
 মলগামী পদে পড়ে।
 ভগ্ন পদ লয়ে, সভয় হৃদয়ে,
 পলাইল উভরড়ে ॥
 জয়মদে মাতি, ফুলাইয়া ছাতি,
 নাচে বীর শস্যহারী।
 তার নৃত্য দেখে, বিপর্যয় ডেকে,
 উঠে ভেক অধিকারী ॥
 শুনি সেই রব, এলো এক পুব,
 ত্রীকটকটিয়া নাম।
 শস্যহারী বক্ষ, করি স্তম্ভ লক্ষ্য,
 মারে বাণ গুণগ্রাম ॥
 কট্ কট্ স্বরে, প্রকট সমরে,
 বিকট ছঙ্কার করে।

ক্ষণেক যুকিয়া, ঝুঁজিয়া ঝুঁজিয়া,
 মুখাদেহে রক্ত করে ॥
 প্রাণের আধার, রুধিরের ধার,
 ঝরিয়া হইল শেষ।
 পড়ে শস্যহারী, শরীর বিস্তারি,
 লণ্ড ভণ্ড কেশ বেশ ॥
 একি পরমাদ, হয়ে ভগ্ন-পাদ,
 মহানস-প্রিয় বীর।
 ত্যজি রণস্থল, গিয়া মহাবল,
 লুকাইল স্বশরীর ॥
 পগারের কোড়ে, নিবিড় নিওড়ে,
 গোপন করিল কায়।
 মণ্ডুক প্রধান, না পায়ে সন্ধান,
 নিজ দলে ফিরে যায় ॥
 পয়ার।
 এইরূপে দুই দলে ঘোর যুদ্ধ হয়।
 নিপাত হইল তাহে বহু সৈন্য চয় ॥
 রুধিরের স্রোত বহে সংগ্রামের স্থলে।
 খাদ্যলোভে পিপীলিকা সারি সারি চলে ॥
 গ

গৃধিনী আকারে ফিরে ভেনাপোকানন।
 হৃষ্টিক কবন্ধ প্রায় করয়ে ভ্রমণ ॥
 ছুই দলে সেনাপতি মরিলে প্রচুর।
 সমরে প্রবিষ্ট ছুই রাজা বাহাছুর।
 এক দিগে গদা হস্তে পিষ্টকাশী শূর।
 অন্যদিগে ফুল্লগু ভেকের ঠাকুর।
 হইল বিষম যুদ্ধ একই প্রহর।
 ছুই মত্ত হস্তি যেন কানন ভিতর।
 অবশেষে পিষ্টকাশী স্থির লক্ষ্য করি।
 মারিল দুর্জয় গদা ভেক গুলফোপরি ॥
 দুর্ঘোখন উরুতঙ্গ করে যেন ভীম।
 পলাইয়া যায় বীর যাতনা অসীম ॥
 সর্পাকারে রুধিরের ধারা তাহে পড়ে।
 পিছে পিছে মুষারাজ ধায় উভরড়ে।
 ভগ্ন অর্ধ পদ বুলে পশ্চাতে রাজার।
 অচল হইল ভেক শক্তি নাহি আর ॥
 উর্ধ্বমুখ করি রাজা দীর্ঘ শ্বাস ছাড়ে।
 প্রাণ পরিহার করে সরোবরে পাড়ে ॥

ভঙ্গ ত্রিপদী।

ভেকরাজ পাইলে অত্যয়,
 তাঁর পুরে মহা শোকোদয়।
 অনিবার হাহাকার, বিগলিত অশ্রুধার,
 সকলের কাতর হৃদয় ॥
 কাঁদে যত ভেক রাজ-দারা,
 চক্ষে বহে শত শত ধারা।
 ভঙ্গ সব রাগ রঙ্গ, পঙ্কেতে লোটার অঙ্গ,
 দিবানিশি হয়ে জ্ঞানহারা ॥
 • রাজজ্ঞাতি ছিল যত ভেক,
 সুবে গেল, বাকি মাত্র এক।
 শ্রীমেঘ-বল্লভ নাম, বহুবিধ গুণধাম,
 সিংহাসনে প্রাপ্ত অভিষেক ॥
 • সমরেতে নহেন নিপুণ,
 জপ তপে যত তাঁর গুণ।
 দুর্বল শরীর তাঁর, বহুকষ্টে গুণাধার,
 মৃত রাজ-চাপে দিল গুণ ॥
 দূরে হত্যে করিয়া সন্ধান,
 বরষিল খাগড়ার বাণ।

ঠেকি পিষ্টকাশী ঢাল, ধরাতলে শর জ্বাল,
 ভেক্রে পড়ে শত শত খান ॥
 দেখি মণ্ডকের মন্দগতি,
 হাস্য করে মুষিকের পতি ।
 তাঁহার ইঙ্গিত পেয়ে, এলো এক বীর খেয়ে,
 সূচীমুখ নাম মহামতি ॥
 বয়সেতে নিতান্ত কিশোর,
 কিন্তু বলবীর্যে নাহি ওর ।
 কুলের তিলক শিশু, ধনুকে যুড়িয়া ইষু,
 মার মার শব্দ করে ঘোর ॥
 দ্বিতীয় কুমার * প্রায় বীর,
 তেজঃপুঞ্জ প্রফুল্ল শরীর ।
 মহাদস্ত্রে নিজ গুণ, ব্যাখ্যা করি পুনঃপুন,
 উপনীত সরোবর তীর ।
 কহে “ ওরে ছার শক্র দল !
 কোথা গেলি পলায়ে সকল ?
 আজ সব বিনাশিব, ভেক কুল না রাখিব,
 নির্ভেক করিব ধরাতল ॥ ”

* কার্তিকেয় ।

ইহা বলি নামিল সলিলে,
 তরঙ্গ উঠিল সেই বিলে ।
 দেখি ব্রহ্মা খিন্ন হয়ে, আকাশ বিমানে রয়ে,
 যুক্তি করে দেব সহ মিলে ॥
 দীর্ঘ ত্রিপদী ।
 কহে ব্রহ্মা “ একি দায়, অকালে প্রলয় প্রায়,
 রুধির সমুদ্র সমুদ্রব ।
 শব দেহ স্তূপে স্তূপে, দৃশ্য গিরি শ্রেণীরূপে,
 অসম্ভব অদ্ভুত আহব ॥
 এক দিবসের রণে, হেন কাণ্ড ত্রিভুবনে,
 কতু না দেখিল কোন জনে ।
 বছদিনে হেন ভাব, হয়েছিল আবির্ভাব,
 দাশরথি দশানন রণে ॥
 অসিত বরণধর, সূচীমুখ বীরবর,
 সূচী শরে ছাইছে গগন ।
 সরোবরে পড়ে শর, ভেক দলে হাহাস্বর,
 তরঙ্গ বহিছে ঘন ঘন ॥
 হেন অনুভব হয়, ভেক জাতি হবে ক্ষয়,
 কোন মতে নাহি দেখি ভ্রাণ ।

কি দেখে দেবগণ ! মম সৃষ্টি সংহরণ,
ইহাতে আমারি অপমান ।
যদ্যপি তোমরা কেহ, রূপা দৃষ্টি নাহি দেহ,
ভেককুল হইবে নিস্কুল ।
অতএব বাক্য ধর, কেহ হয়ে অগ্রসর,
সেই পক্ষে হও অনুকুল ॥
সাজ গো চামুণ্ডা রঞ্জে ! দল বল লয়ে সঞ্জে,
মুষিকের দর্পচূর্ণ কর ।
তব চন্দ্রহাস ধারে, কভু কি থাকিতে পারে,
বর্ষরের গর্ষ ঘোরতর ॥
অথবা হে ষড়ানন ! দেবসেনা বিমোহন,
ভেক প্রতি করুণা প্রকাশ ।
নিপাতিয়ে সূচীমুখে, রক্ষা কর মৃত্যুমুখে,
নিপতিত মণ্ডুক সঙ্কশ ॥”

পয়ার ।

এত বলি বসে বিধি হয়ে ষিল্লমতি ।
উত্তরে কহিছে তবে দেব সেনাপতি ॥
“অবধান কর দেব আমার বচন ।
এই যুদ্ধে অগ্রসর হবে কোন্ জন ?

কাহারো না সাধ্য হবে হইতে সহায় ।
এযুদ্ধ সামান্য নহে প্রলয়ের প্রায় ॥
এক এক মুষাবীর অগ্নি অবতার ।
প্রবেশি সমর ক্ষেত্রে করে মহামার ॥
আমাদের সকলের শ্রেষ্ঠ দেবরাজ ।
মুষিকে নিরুত্তর কর তঁহারই কায ॥”
কুমারের কথা শুনি মরালবাহন ।
বাসবেরে ইঙ্গিত করেন সেই ক্ষণ ॥
সাজিলেন দেবরাজ মেঘগণ সঞ্জে ।
বহে উনপঞ্চাশ পবন নানা রঞ্জে ।
ঐরাবতে থাকি ইন্দ্র মুষা লক্ষ্য করি ।
ছাড়িল বিষম বজ্র দেব গুরু স্মরি ॥
চমকে চপলা বাল্য করি চক্ মক্ ।
উঠিল ভেকের পুরে শব্দ মক্ মক্ ॥
কাঁপিল উন্দুর সেনা কুলিশ নির্যোষে ॥
তথাপিও ভেক প্রতি ধায় রোষে রোষে ॥
দেখিয়ে সে ভাব স্মৃতিস্থিত দেবগণ ।
হেনকালে দেখে সবে দৈব নিবন্ধন ॥
জলদের আগমনে ছাড়ি সরোবর ।
উঠিলেক এক জাতি, ভেক-হিতকর ॥ .

স্নকঠিন বস্মধর বজ্রের সমান ।
 লাগিলে বিপক্ষ বাণ হয় খান খান ॥
 কুস্মাকৃতি কলেবর বক্রভাবে চলে ।
 চারিদিকে স্নখর নখর অস্ত্রছলে ॥
 যোড়া যোড়া কাঁচী শোভে মুখের ছপাশে ।
 স্বভাবতঃ মাংসোপরি অস্থি পরকাশে ॥
 প্রতিপদে, পদে পদে অস্থি বহুতর ।
 বক্ষস্থলে শোভে চক্ষু কৃষ্ণ নিভাধর ॥
 আঁটা মাঁটা গাঁটা গৌঁটা দৃঢ় দেহ ধারি ।
 দুই পাশে আছে দশ চরণ বিস্তারি ॥
 দুই দিগে দুই মুখ দৃশ্য শোভাকর ।
 ককট নামেতে খ্যাত পৃথিবী ভিতর ॥
 দেবলোকে যোগ্য নাম অবশ্যই আছে ।
 জীবের বিরূত নাম আমাদেরি কাছে ॥
 এবশে ককট সেনা উঠি চারি ভিতে ।
 ঘেরিল উন্মূর দলে ভেকদের হিতে ॥
 দাড়ায় দাড়ায় ধরে আখুর শরীর ।
 ল্যাজকাটা হয়ে ছুটে কত শত বীর ॥
 কেহ বা হারায় পদ পলাতে না পারে ।
 গড়া গড়ি যায় সেই সরোবর ধারে ॥

স্তূপে স্তূপে অস্ত্র শস্ত্র পড়ে যথা তথা ।
 পলায় মুষিক দল, মুখে নাহি কথা ॥
 ভয়েতে বাড়িল ভয় ভেবাচেকা হয়ে ।
 ভঙ্গ দিয়ে যায় নিজ নিজ প্রাণ লয়ে ॥
 কেহ কেহ শ্রান্ত হয়ে গর্ত অন্বেষিয়া ।
 নিমিষে ঢুকিয়া তায় রহে লুকাইয়া ॥
 হেনকালে অন্তাচলে চলিল তপন ।
 ঘোরতর তিমিরে পুরিল ত্রিভুবন ॥
 এইরূপে এক দিনে এহেন সমর ।
 সম্মুত সমাপ্ত হলো বর্ণিতে বিস্তর ॥
 বিধির নির্বন্ধ ইহা কে খণ্ডিতে পারে ।
 পাত্র ভেদে এইরূপ ঘটে এসংসারে ॥

সমাপ্তোয়ং গ্রন্থঃ ।